

Na osnovu člana 12. Zakona o udruženjima i fondacijama (Sl. novine Federacije BiH br. 45/02) Osnivačka skupština „Udruženja poslodavaca hemije i nemetala“ održana u Tuzli dana 30.03.2006. god. **d o n o s i**

ODLUKU O OSNIVANJU UDRUŽENJA POSLODAVACA HEMIJE I NEMETALA

Član 1.

Ovom Odlukom kao osnivačkim aktom osniva se Udruženje poslodavaca hemije i nemetala u skladu sa Zakonom o udruženjima i fondacijama.

Član 2.

Osnivači udruženja su sljedeća privredna društva iz oblasti hemije i nemetala Federacije BiH koja imaju slične programske ciljeve u ostvarivanju i unapređivanju vlastitih interesa:

1. DITA d.d. Tuzla, Husinskih rudara b.b., 75000 Tuzla
2. MESSER SARAJEVO – PLIN, Dr. Fetaha Bećirbegovića 8, 71000 Sarajevo
3. SOLANA d.d. Tuzla, Solanska br. 3, 75000 Tuzla
4. RUDNIK KREČNJAKA VIJENAC, Prva ulica 1, 75300 Lukavac
5. RUDNIK SOLI TUŠANJ, Hasana Brkića 72, 75000 Tuzla,
6. Buscherhof – Plastikch – Plastikal, 75 260 Kalesija.

Član 3.

Puni naziv udruženja glasi:

Udruženje poslodavaca hemije i nemetala

Skraćeni naziv udruženja glasi:

Udruženje poslodavaca HiN.

Udruženje djeluje na području Federacije Bosne i Hercegovine.

Član 4.

Sjedište udruženja je na adresi:

Dita d.d. Husinskih rudara bb, 75000 Tuzla.

Član 5.

Udruženje podstiče i koordinira aktivnost svojih članova na ostvarivanju zajedničkih ciljeva i zadataka, u skladu sa Zakonom o udruženjima i fondacijama i drugim zakonskim propisima, a na bazi svojih programskih ciljeva radi kojih je udruženje i osnovano.

Član 6.

Udruženje je osnovano radi ostvarivanja slijedećih osnovnih ciljeva:

- predstavljanje i zastupanje interesa članova u odnosima sa sindikatima i vladom;
- ostvarivanje utjecaja na poboljšanje i razvoj poslovnog i makroekonomskog okruženja;
- pružanje stručne pomoći i podrške članovima u različitim oblastima i djelatnostima (porezi, pravna pitanja, socijalna politika);
- poboljšanje konkurentnosti preduzeća za utakmicu na domaćem i inozemnom tržištu;
- suradnja sa istim ili srodnim domaćim, kao i inozemnim međunarodnim udruženjima i institucijama, kao i ostvarivanje drugih interesa poslodavaca u oblasti ekonomske, porezne i politike zapošljavanja.

Član 7.

Djelatnosti Udruženja su:

- da štiti interese poslodavaca i privrede, osobito u području uređivanja uvjeta poslovanja, radnog i socijalnog zakonodavstva, odnosa sa tijelima državne vlasti i sindikatom, kolektivnom pregovaranju i sklapanju kolektivnih ugovora, radnim sporovima, te drugim pitanjima važnim za privredni i socijalni položaj poslodavaca;
- da štiti i inicira zakonsku zaštitu interesa privrede, da informira javnost, nadležne organe vlasti u FBiH o potrebama i interesima članova koje su se pojavile u praksi, da poduzmu neophodne korake kako bi eliminirali moguće postupke, administrativne mjere i donošenje propisa koji bi mogle biti protivni interesima članova Udruženja,
- da podstiče privrednike da predlože neophodne zakonske, socijalne i administrativne mjere za jačanje, održavanje i sistematično razvijanje privrede,
- da podrži efikasnost privrede, izvozne inicijative i aktivnosti na poboljšanju standarda i kvaliteta rada i življenja,
- da daje savjete o privrednim problemima nadležnim organima vlasti kao i članovima Udruženja, na svoju inicijativu ili po zahtjevu,
- da prati i organizira profesionalnu edukaciju za svoje članstvo,
- da razvija i podržava razvoj specifičnih naučno-istraživačkih projekata,
- da bude u stalnom kontaktu sa drugim strukovnim udruženjima iz zemlje i inozemstva, sa osobama zaduženim za predstavljanje različitih ekonomskih interesa poduzimajući zajedničke akcije u problemima od općeg interesa ili onih koji su od naročitog interesa za privredu i interese članova,
- da pažljivo prati sve činjenice koje se tiču ekonomskog života zemlje, da organizuje rasprave o istim radi definisanja zajedničkog stava prema njima,
- da bude u kontaktu sa sličnim organizacijama iz inozemstva putem razmjene informacija i na druge načine,
- da skupi i koordinira statističke podatke i neophodnu dokumentaciju da bi mogli da informiraju nadležne organe vlasti i javnost o aktuelnoj situaciji u ovoj grani privrede,
- da inicira izradu zakona i normativnih akata.

Član 8.

Skupština udruženja je najviši organ upravljanja udruženjem i čine je svi članovi udruženja, a Upravni odbor je operativni organ upravljanja.

Statutom udruženja će se detaljnije urediti način rada, ovlaštenja i odgovornosti organa udruženja.

Član 9.

Ovom Odlukom se ovlašćuje **Huremović Vejsil**, da može preduzimati neophodne radnje u postupku registracije udruženja kod nadležnog ministarstva Federacije BiH.

Član 10.

Ova Odluka stupa na snagu danom donošenja.

Tuzla 30.03.2006. godine

Predsjedavajući Skupštine

Huremović Vejsil